



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

**Prof. n.1/EM**

### **ORDINÀTNZIA N.1 DE S'8 DE GHENNÀRGIU DE SU 2021**

**Ogetu:** Àteras measuras istraordinàrias e urgentes de cuntrastu e preventzione de sa difusione de s'epidemia dae COVID-2019 in su territòriu regionale de sa Sardigna. Ordinàntzia cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica.

#### **SU PRESIDENTE**

- BIDU s'art. 32 de sa Costitutzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale de su 7 de ghennàrgiu de su 1977, n. 1 chi giughet "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa Lege de su 23 dicembre 1978, n. 833 "Istituzione de su servìtziu sanitàriu nazionale" e in particolare s'art. 32 chi apostivigat "*su Ministru de sa sanidade podet emitere ordinàntzias de caràtere netzessàriu e urgente, in matèria de igiene e sanidade pùblica e de politzia veterinària, cun eficàtzia istèrrida a totu su territòriu nazionale o a una parte de custu chi incluet prus regiones*", e puru "*in sas matessi matèrias sunt emitidas dae su presidente de sa giunta regionale e dae su sindigu ordinàntzias netzessàrias e urgentes, cun eficàtzia ismanniada de pare a pare a sa regione o a una parte de su territòriu suo chi incluet prus comunas e a su territòriu comunale*";
- BIDA sa declaratzione de s'Organizatzione mondiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

valutada comente un'emergèntzia de sanidade pùblica de rilevànzia internatzionale;

- BIDAS sas deliberas de su Consìgiu de sos Ministros de su 31 de ghenàrgiu de su 2020, 29 de trìulas de su 2020 e 7 de santugaine de su 2020, cun sas cales est istadu decraradu e perlongadu finas a su 31 de ghenàrgiu de su 2021 s'istadu de emergèntzia in cunsighèntzia de s'arriscu sanitàriu ligadu a su cumentzu de maladias chi derivant dae virus chi si podent trasmitere;
- BIDA s'ordinànzia de su Capu de su Dipartimentu de sa protetzione tzivile n. 630 de su 3 de freàrgiu de su 2020 chi giughet "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu ligadu a su cumentzu de maladias chi derivant dae virus chi si podent trasmitere*;
- BIDU su decretu de su Capu de su Dipartimentu de sa protetzione tzivile n. 627 de su 27 de freàrgiu de su 2020 chi nùmenat su Presidente de sa Regione Sardinia, sugetu chi àtuat sos *interbentos de sos cales a s'OCDCPC 630/2020*;
- BIDA sa decrarazione de s'Organizatzione mondiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" considerende sos livellos de difusione e gravidade annantos a livellu globale;
- BIDU su decretu-lege de su 25 de martzu de su 2020, n. 19, recante «*Mesuras urgentes pro fàghere fronte a s'emergèntzia de s'epidemia dae COVID-19*», e publicadu in sa *Gazzetta Ufficiale* n.125 de su 16 de maju de su 2020 e sa lege de su 22 de maju de su 2020, n. 35 e mudadu a manera ulteriore dae su D.L. n. 83/2020;
- BIDU su decretu lege de su 16 de maju de su 2020, n.33 chi giughet "*Àteras mesuras urgentes pro fàghere fronte s'emergèntzia de s'epidemia dae COVID-19*" e publicadu in sa *Gazzetta Ufficiale* n.125 de su 16 de maju de su 2020, mudadu, cun modificatziones, cun sa lege de su 14 de trìulas de su 2020, n.74 e mudadu a manera ulteriore dae su D.L. n.83/2020;
- BIDU su decretu lege de su 7 de santugaine de su 2020 n.125 (Mesuras urgentes ligadas a su perlongamentu de sa decrarazione de s'istadu de emergèntzia epidemiològica dae COVID- 19 e pro sa continuidade operativa de su sistema de allerta COVID, e puru de atuatzione de sa direttiva (UE) 2020/739 de su 3 de làmpadas de su 2020), e in particolare s'articulu 1, comma 2, litera a), chi in sa mudadura de s'articulu 1, comma 16, de su decretu lege de su 16 de maju de su 2020, n.33, reconnoschet a sas Regiones sa facultade de introduire mesuras "de restrizione respetu a cussas apostivigadas cunforma a s'articulu 2, o puru, solu in sos casos e in su respetu de sos critèrios prevididos dae sos decretos



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

mentovados e in acordu cun su Ministru de sa salute, puru immanadoras”;

- RECRAMADAS** sas ordinàntzias chi non podent transire e urgentes de su Presidente de sa Regione Sardigna, cunforma a s’art.32, comma 3, de sa lege 23 de nadale de su 1978, n.833 in matèria de igiene e sanidade pùblica, dae sa n.2 de su 23 de freàrgiu de su 2020 a sa n.48 de su 15 de santugaine de su 2020;
- BIDU** su decretu-lege 2 de nadale de su 2020, n.158, chi giughet: “Dispositziones urgentes pro fàghere fronte a sos arriscos sanitàrios ligados a sa difusione de su virus COVID-19”;
- BIDU** su decretu de su Presidente de su Consìgiu de sos Ministros 3 de nadale de su 2020 “Àteras dispositziones atuativas de su decretu-lege 25 de martzu de su 2020, n.19, mudadu, cun modificatziones dae sa lege 22 de maju de su 2020, n.35, chi giughet : «Mesuras urgentes pro fàghere fronte a s’emergèntzia de s’epidemia dae COVID-19» e de su decretu-lege 16 de maju de su 2020, n.33, mudadu, cun modificatziones, dae sa lege 14 de triulas de su 2020, n.74, chi giughet: «Mesuras urgentes pro fàghere fronte a s’emergèntzia de s’epidemia dae COVID-19»;
- BIDU** s’articulu 1, comma 10, litera s), de su torradu a cramare DPCM 3 de nadale;
- BIDU** s’articulu 4, de su DL n.1 de su 5 de ghennàrgiu de su 2021 cunforma a su cale dae sa die 11 de ghennàrgiu de su 2021 finas a su 16 de ghennàrgiu de su 2021 sas istituziones iscolàsticas segundàrias de segundu gradu adotant formas flessibiles in s’organizzazione de s’atividade didàtica, cunforma a sos articulos 4 e 5 de su decretu de su Presidente de sa Repùblica 8 de martzu de su 1999, n.275, garantende a su mancus a su 50 pro chentu de sa populatzione de sos istudiantes de sas istituziones mentovadas in antis s’atividade didàtica in presèntzia.
- S’àtera parte de s’atividade didàtica, est acumprida pro mèdiu de sa didàtica dae a tesu. In sas regiones in ue s’aplicant sas mesuras de sas cales a s’articulu 3 de su decretu de su Presidente de su Consìgiu de sos Ministros de su 3 de nadale de su 2020 , e puru in totu su territòriu natzionale in sas dies 7, 8 e 9 de ghennàrgiu de su 2021, s’atividade didàtica de sas istituziones iscolàsticas de sas cales a custu comma s’acumprit dae a tesu pro su 100 pro chentu de sa populatzione de sos istudiantes de sas istituziones iscolàsticas de sas cales a custu comma;
- RILEVADU** in particolare, chi s’articulu 1, comma 10, litera s), indicadu in subra at prevididu chi:
- In onni Prefetura-UTG e in s’àmbitu de sa Cunferèntzia provintziale permanente de sa cale a s’art.11, comma 3, de su decretu legislativu 30 de triulas de su 1999, n.300, est istituída una mesa de coordinamentu, presièdida dae su Prefetu, pro sa definitzione de su cullegamentu prus idòneu tra sos oràrios de cumentzu e sessada de sas atividades didàticas e sos oràrios de su trasportu pùbliku locale, urbanu e extraurbanu, in funtzione



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

de sa disponibilidade de sos mèdios de trasportu de impitare pro cussu, pro fatzilitare sa frequèntzia iscolàstica puru cunsiderende su càrrigu chi derivat dae sa torrada a iscola de totu sos istudiantes de sas iscolas segundàrias de segundu gradu;

- A su resurtu de sos traballos de sa mesa de coordinamentu (a sa cla partetzipant su Presidente de sa provìntzia o su Sìndigu de sa Tzitade metropolitana, sos àteros sìndigos a manera dàbile interessados, sos dirigentes de sos àmbitos iscolàsticos de su ministèriu de s'istruzzone, sos rapresentantes de su ministèriu de sas infrastruturas e de sos trasportos, de sa Regione e puru de sas aziende de trasportu pùblicu locale), su Prefetu redatzionat unu documentu operativu subra de su cale sas amministrazione interessadas adotant totu sos provvedimenti de cumpetèntzia respetiva;

**BIDU** s'art. 1, comma 10, lettera mm) de su DPCM 3 de nadale de su 2020 torrada a cramare, cunforma a su cale, subra de sos mèdios pùblicos de su trasportu pùblicu locale e de su trasportu ferroviàriu regionale, a fora de su trasportu iscolàsticu dedicadu, est cunsentidu chi bi pighent su 50% de sas pessones e chi su Presidente de sa Regione devet apostivigare sa programmazione de su servìtziu erogadu dae sas aziende de trasportu pùblicu locale, puru non de lìnia, pro sa minimadura e sa sessada de sos servìtzios in relata a sos interbentos sanitàrios netzessàrios pro cuntènnere s'emergèntzia COVID-19, subra de sa base de sas esigèntzias efetivas e pro assegurare sos servìtzios mìnimos essenziali, s'erogatzione de sos cales devet, semper e cando èssere organizada a manera chi subra de sos mèdios de trasportu in sas oras de sa die in ue si registrat sa presèntzia prus arta de impitadores non b'apat tropa gente;

**RECRAMADOS** sos documentos operativos de su Prefetu de Casteddu, protocollos 0091511 de su 29 de nadale de su 2020 e 0091986 de su 30 de nadale de su 2020; de su Prefetu de Aristanis prot. 0045339 de su 24 de nadale de su 2020; de su Prefetu de Nùgoro prot. 0073107 de su 23 de nadale de su 2020 e de su Prefetu de Tàtari prot. 01.00957 de su 24 de nadale de su 2020 cun sos cales, in atuatzione de sas dispositziones mentovadas in antis, sunt istadas dadas solutziones organizativas pro coordinare s'oferta de trasportu pùblicu locale cun sa didàtica in presèntzia cun sa previsione de servìtzios de trasportu pùblicu locale in prus respetu a cussos prevìdidos dae sos cuntratos de servìtziu;

**BIDU** s'acordu apostivigadu in Cunferèntzia Unificada de su 23 de nadale de su 2020 subra su Documentu "Linias ghiadoras pro garantire s'acumprida curreta de s'annu iscolàsticu 2020/2021";

**BIDA** s'ordinàntzia de su Ministèriu de sa Salute de su 24 de nadale de su 2020 chi giughet "Àteras mesuras urgentes in matèria de cuntenimentu e gestione de s'emergèntzia dae s'epidemia dae COVID-19", chi a s'articulu 1 previdit chi sas



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

istitutziones iscolàsticas secundàrias de segundu gradu adotent formas flessibiles in s'organizatzione de s'atividade didàtica, cunforma a sos artulos 4 e 5 de su decretu de su Presidente de sa Repùblica 8 de martzu de su 1999, n. 275, a manera chi, dae su 7 a su 15 de ghennàrgiu de su 202, siat garantida s'atividade didàtica in presèntzia a su 50 pro chentu de sa populatzione de sos istudiantes e chi su restu de s'atividade siat erogada cun sa didàtica digitale integrata;

- LEADU ATU de sas indicatziones de su mundu iscientificu cunforma a sas cales como sos trastes ùnicos de preventzione de su contàgiu de su virus sunt s'igiene de sas manos, s'impreu curretu de sos "DPI" e sa distàntzia tra sas pessones;
- ACHISIDU su Verbale de su Comitadu Operativo Regionale (COR) de su 5 de ghennàrgiu de su 2021;
- CONSIDERADU chi sa Regione Autònoma de sa Sardigna, pro cuntènnere sa tzirculatzione de su virus, at inghitzadu esàmines a totu sa populatzione a manera contestuale a sa "campagna vaccinale", cun su càrrigu mannu chi nde cunsighit subra de sas istruturas de sos ospidales e de onni atividade de su Sistema Sanitàriu Regionale;
- VALUTADU duncas chi est netzessàriu minimare cantu prus si podet sas possibilidades de istare a muntone, limitende sas ocasiones de iscostiamentu de sas pessones pro atividades chi sunt como cunsentidas, tra custas sos iscostiamentos pro asseguare s'atividade didàtica in presèntzia;
- LEADU ATU chi su Monitoràgiu Fase 2 (DM Salute 30 de aprile de su 2020) de su Ministèriu de sa Salute, Datos relativos a sa chida 14-20 de nadale de su 2020 (aggiornados a su 22 de nadale de su 2020) evidèntziat:
- casos in totu: 24938, Pesu cumulativu: 1529.49 pro 100000, casos cun data prelièvu/diàgnosi in sa chida 14/12-20/12: 1201, Pesu: 73.66 pro 100000, Rt: 0.82 (CI: 0.67-1.01) [tèrmine mesanu 14 dies];
- LEADU ATU chi su Monitoràgiu Fase 2 (DM Salute 30 de aprile de su 2020) de su Ministèriu de sa Salute, Datos relativos a sa chida 21-27 de nadale de su 2020 (aggiornados a su 29 de nadale de su 2020) evidèntziat:
- casos in totu: 27188, Pesu cumulativu: 1667.49 pro 100000, casos cun data prelièvu/diàgnosi in sa chida 21/12-27/12: 1069, Pesu: 65.56 pro 100000, Rt: 0.83 (CI: 0.7-1.07) [tèrmine mesanu 14 dies];
- LEADU ATU chi su Monitoràgiu Fase 2 (DM Salute 30 de aprile de su 2020) de su Ministèriu de sa Salute, Datos relativos a sa chida 28 de nadale de su 2020 - 03 de ghennàrgiu de su 2021 (aggiornados a su 05 de ghennàrgiu de su 2021) evidèntziat:
- casos in totu: 29218, Pesu cumulativu: 1791.99 pro 100000, casos cun data prelièvu/diàgnosi in sa chida 28/12/2020-03/01/2021: 1272,



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Pesu : 78.01 pro 100000, Rt: 0.95 (CI: 0.78-1.11) [tèrmine mesanu 14 dies];

- BIDU** cunforma a sos datos frunidos in data 8 de ghenàrgiu de su 2021 dae s'unidade de Crisi Regionale sa situatzione de sa cundidura dae SARS – CoV-2, registrat 504 ricoverados in s'ospidale in medicina, e in prus 50 ricoverados in terapia intensiva in ue b'at una disponibilidade de 74 postos (+27 chi si podent ativare in 24-48h), cun s'arriscu chi nde cunsighit de compromitere s'impreu de s'ospidale a sos tzitadinos;
- CONSIDERADU** chi sas mesuras adotadas a livellu istatale e regionale no ant determinadu su cuntinimentu de su contàgiu in misura gasi de permitere s'acumprida de su servitziu iscolàsticu cunforma a sas règulas apostivigadas in su DPCM 3 de nadale de su 2020 e de s'ordinàntzia de su Ministèriu de sa salute 24 de nadale de su 2020;
- RILEVADU** chi su cumentzu torra de s'atividade iscolàstica in presèntzia de unu nùmeru mannu de alumnos, insinnantes e personale chi traballat in sas iscolas secundàrias de segundu gradu, istatales e paritàrias e a sas istituziones chi erogant percursos de istrutzione e formatzione, diat pòdere cajonare dàbiles acorradas de persones a curtzu a sas istituziones iscolàsticas, duncas s'arriscu de difusione de sa cundidura in sas famillias;
- RITÈNNIDU** duncas de dispònneru in totu su territòriu regionale sa suspensione de totu sas atividades iscolàsticas in presèntzia de sas iscolas secundàrias de II gradu, istatales e paritàrias, e de sas istituziones chi erogant percursos de istrutzione e formatzione professionale impreende sa didàtica dae a tesu, afidende a sas Autoridades iscolàsticas sa modulatzione a nou de sas matessi e mantenende sas mesuras organizativas adotadas in s'autonòmia issoro pustis de s'intrada in vigèntzia de su DPCM de su 3 de santandria de su 2020. Abarrat semper garantida sa possibilitade de acumprire atividade in presèntzia si diat èssere netzessàriu s'impreu de laboratòrios istrutturados e atretzados chi non si podent fàghere si no in presèntzia, o pro mantènnere una relatzione educativa chi acumprat a inclùere a manera completa sos alumnos cun disabilitàes e cun netzessidades educativas ispetziales, cunforma a cantu prevididu dae su decretu de su Ministru de s'istrutzione n.89 de su 7 de austu de su 2020, e dae s'ordinàntzia de su Ministru de s'istrutzione n.134 de su 9 de santugaine de su 2020, garantende semper e cando su collegamentu on-line cun sos alumnos de sa classe chi sunt in didàtica digitale integrada;
- RITÈNNIDU** imbetze, chi s'atividade didàtica e educativa pro sos servitzius educativos pro s'infàntzia, pro s'iscola de s'infàntzia e pro su primu tziclu de istrutzione sigat a èssere a manera integrale in presèntzia;
- RITÈNNIDU** puru de cunfirmare, in relatzione a cantu subra, s'articulatzione atuale de sos servitzius de trasportu pùbliku locale, abarrende firmas dàbiles modulatziones a



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

nou determinadas dae s'andanta de sa dimanda, rinviende a cando s'at a torrare a s'atividade didàtica in presèntzia de sos istitutos secundàrios de II gradu, istatales e paritàrios, e de sas istituziones chi erogant percursos de istrutzione e formatzione professionale s'afortiamentu cullegadu de s'oferta de trasportu pùblicu locale cun s'ativatzione de sos servìtzios annantos prevididos dae sos documentos operativos de sas Prefeturas de sas cales a s'articulu 1, comma 10, litera s), de su DPCM 3 de nadale de su 2020;

**CONSIDERADU** chi sa difusione manna de s'epidemia e s'interessamentu de prus àmbitos subra de su territòriu natzionale rechedint mesuras pro garantire s'atuatzione de sos programmas de "profilassi" elaborados in sede internatzionale e europea, seberende a manera graduale sas mesuras cunforma a s'ispetzifitzidade de su cuntestu territoriale interessadu, in su respetu de sos printzìpios de assentu, proportzionalidade e adequatesa a s'arriscu chi a manera efetiva est presente in su territòriu regionale;

**BIDU** s'art.14, comma 4, de su DPCM 3 de nadale de su 2020, cunforma a su cale "*sas dispositziones de custu decretu s'aplicant a sas Regiones a istatutu ispetziale e a sas Provintzias autònomas de Trento e de Bolzano a manera cumpatibile cun sos Istatutos respetivos e sas normas de atuatzione relativas*".

**DADU ATU** de sas potestades primàrgias atribuidas a sa cumpetèntzia regionale dae sa Lege Costituzionale de su 26 de freàrgiu de su 1948, n.3;

**ATESU** chi torrat in sas cumpetèntzias primàrgias de sa Regione Autònoma de sa Sardigna a sas matèrias torradas a pònnere a sa potestade legislativa e amministrativa pròpia e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale e puru sugetu chi àtuat sos interbentos de sos cales a su OCDPC 630/2020, valutare e meledare sos interbentos netzessàrios pro s'amparu de sa salute pùblica;

**VALUTADA** puru, s'urgèntzia e chi non si podet transire de adeguare a sas cunditziones de s'epidemia chi sunt galu mudadas sas mesuras istraordinàrias pro amparare sa salute de sos tzitadinos sardos pro sa preventzione e su cuntinimentu de sa difusione de su COVID-19 in su territòriu de sa Regione Sardegna, cunforma a s'art.32 de sa lege 23 de nadale de su 1978, n.833 in matèria de igiene e sanidade;

**ÒRDINAT**

**Art.1)** Pro contrastare e cuntènnere sa difusione de su virus SARS-CoV-2, dae s'11 de ghennàrgiu de su 2021 e finas a su 31 de ghennàrgiu de su 2021 subra de totu su territòriu regionale s'aplicant sas mesuras chi s'ghint:



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

- a) sas istitutziones iscolàsticas secundàrias de segundu gradu, istatales e paritàrias, e sas istitutziones chi erogant percursos de istrutzione e formatzione professionale, adotant formas flessibiles in s'organizatzione de s'atividade didàtica cunforma a sos artìculos 4 e 5 de su decretu de su Presidente de sa Repùblica 8 de martzu de su 1999, n. 275, a manera chi su 100 pro chentu de sas atividades siant acumpridas cun sa didàtica digitale integrada, mantenende sas mesuras organizativas adotadas in s'autonòmia issoro a pustis de s'intrada in vigèntzia de su DPCM de su 3 de santandria de su 2020;
- b) abarrat garantida semper sa possibilitade de fàghere atividade in presèntzia cando diat èssere netzessàriu s'impreu de laboratòrios istruturados e atrezados de sos cales no si nde podet giuare dae a tesu o pro mantènnere s'atividade chi acumprat a inclùere a manera completa sos alunnos cun disabilitàes e cun netzessidades educativas ispetziales, cunforma a cantu prevididu dae su decretu de su Ministru de s'istrutzione n.89 de su 7 de austu de su 2020, e dae s'ordinàntzia de su Ministru de s'istrutzione n.134 de su 9 de santugaine de su 2020, garantende semper e cando su cullegamentu on-line cun sos alunnos de sa classe chi sunt in didàtica digitale integrada;

- Art.2) Est cunfirmada finas a su 31 de ghennàrgiu de su 2021 inclùdidu, in relata a cantu apostivigadu a su puntu 1, s'articulatzione attuale de sos servìtzios de trasportu pùblicu locale, abarrende firmas dàbiles modulatziones a nou determinadas dae s'andanta de sa dimanda, rinviende a cando s'at a torrare a s'atividade didàtica in presèntzia de sos istitutos secundàrios de II gradu, istatales e paritàrios, e de sas istitutziones chi èrogant percursos de istrutzione e formatzione professionale s'afortiamentu cullegadu de s'oferta de trasportu pùblicu locale cun s'ativatzione de sos servìtzios annantos prevididos dae sos documentos operativos de sas Prefeturas de sas cales a s'articulu 1, comma 10, litera s), de su DPCM 3 de nadale de su 2020;
- Art.3) Pro totu cussu chi no est disciplinadu a manera espressa dae custa ordinàntzia, si rimandat a su DPCM 3 de nadale de su 2020 e allegados relativos.
- Art.4) Sas dispositziones de custa ordinàntzia produint sos efetos issoro dae s'11 de ghennàrgiu de su 2021- finas a su 31 de ghennàrgiu de su 2021, salvu pròroga esplitzita e àteras prescritziones diferentes, puru contràrias, chi diant èssere netzessàrias in dipendèntzia de s'andanta de sa cuida de difusione de su virus, chi at a èssere controllada a manera costante dae sos òrganos cumpetentes de s'amministratzione e de sas aziendas.





REGIONE AUTÒNOMA DE SARDIGNA  
REGIONE AUTONOMA DELLA SARDEGNA

SU PRESIDENTE

Custa ordinàntzia est luego eficatze e est publicada in su giassu istituzionale de sa Regione e in su B.U.R.A.S. Sa publicatzione at valore de notifica individuale, cunforma a sa lege, in sos cunfrontos de totu sos sugetos interessados.

Salvu chi su fatu non constituat unu reatu prus grae, sa farta de s'osservàntzia de sos òbrigos de sos cales a custa ordinàntzia est santzionada cunforma a sa lege (art. 2 de su D.L. 33 de su 16 de maju de su 2020).

Custa ordinàntzia est trasmitida, cunforma a sas cumpetèntzias respetivas, a su Presidente de su Consìgiu de sos Ministros, a su Ministru de sa Salute, a su Ministru de s'Istruzione, a su Ministèriu de sas Infrastruturas e de sos Trasportos, a sos Prefetos de sos Ufìtzios territoriales de Governu de sa Sardigna, a su Direttore de s'ufìtziu iscolàsticu regionale pro sa Sardigna, a sos Amministradores de sas Provìntzias de su territòriu regionale, a su Sìndigu metropolitanu de Casteddu, a sos Sìndigos de sas Comunas de sa Sardigna, a sos Assessoros regionales.

Contra a custa ordinàntzia est ammitidu ricursu giurisditzionale a dae in antis a su Tribunale Amministrativu a intro de sessanta dies dae sa comunicatzione, o istraordinàriu a su Capu de s'Istadu a intro de chentubinti dies.

Christian Solinas



CHRISTIAN SOLINAS  
REGIONE AUTONOMA  
DELLA SARDEGNA -  
SISTEMA REGIONE  
08.01.2021 21:31:51  
UTC